

adr-

ALTERNATIV DEMOKRATESCH
REFORMPARTEI

de pefferkär

D'Alternativ fir Clärref

Gemengewalen 2017

ADR: Eng kloer Sprooch!

D'ADR ass d'Partei vun der Rentegerechtkeet. D'ADR ass d'Partei vum Referendum, mat hirem 3x Nee. D'ADR huet gewisen, datt si denkt, wéi d'Leit am Land och denken.

D'ADR ass eng jonk Partei mat just 30 Joer. Vun hire soziale Wuerzelen huet si sech weiderentwéckelt zu enger sozial engagierter, un de Wäerter vum Land orientierter Partei. D'ADR verdedegt d'Demokratie an d'Rechter vum Einzelnen. Duerfir wëlle mir eisen Asaz an der Gemengepolitik verstärken.

Mir bezéie kloer Positiounen, an eis Haaptthemen bleiwen an der Gemengepolitik aktuell:

- Lëtzebuerger Sprooch a Kultur
- Integratioun
- Schoul, Familljen- a Sozialpolitik
- Anriede fir d'Privatsphär an d'Meenungsfräiheet, mee och fir d'Sécherheet
- eng humanistesche a rechtliche Approch zur Flüchtlingspolitik
- Hannerfroen vun den EU-Exzessen an d'Betounen vum Wäert vum Nationalstaat
- fräi Maarktwirtschaft a keng Verwaltungswaasserkäpp

D'ADR verdedegt de Prinzip vun enger staarker Gemengenautonomie. Nom Subsidiaritätsprinzip soll de Staat sech just ëm Aufgaben këmmern, déi net kënnen vun der Gemeng erleeedegt ginn.

Optimistesch an d'Zukunft



eis Gemeng. Mee trotz all dem, d'Gemeng Clärref ass e Raum am Wandel an et schéngt, ewéi wann net all Verännerungen sech zum Positiven entwéckelen. Ëmmer erëm an iwwerall héiert een d'Kritik, datt d'Stad Clärref sech gesellschaftlech ëmmer méi zu enger doudeger Uertschaft entwéckelt.

Vill Geschäfte an Institutiounen (Post, Bank, Apdik...) wäerten an Zukunft hir Dieren zoumaachen an et schéngt, ewéi wa sech d'Geschäftsaktivitéiten ëmmer méi op eenzel Uertschaften zentraliséieren.

Léif Biergerinnen a Bierger vun der Gemeng Clärref,

eis Gemeng ass mat knapp 5000 Awunner en infrastrukturelle Käerpunkt vum Norden vum Land: Als touristeschen Unzéihungspunkt vu Mënschen aus allen Häerlänner ass d'Gemeng Clärref e Begégnungszentrum vun internationalem Wert. D'Schéinheet vun der Natur, den typeschen Ardennercharme, mee och Muséen an d'Family of Man, déi zum Unesco-Weltkulturerwen erkläert ginn ass, droe bäi zum Erfolleg an der Beléiftheet, déi Clärref fir sech beusprouche kann.

Mir sinn houvreg op eis Kantonalhaaptstad an op

Eis wichtegst Kapital, wat mer als Biergerinnen a Bierger an der Gemeng hunn, ass ee gutt Zesammenliewen mat allen Mënschen an der Gemeng. Besonnesch och eis auslännesch Matbierger sollen aktiv an d'Gemengeliewen integréiert ginn.

Mir hunn e kloeren a praktesche Bléck op déi rezent Entwécklungen, déi eis leider Suerge maachen a propséieren lech an eisem Pefferkär eng Rei vu wichtigen Propositionen, wéi mer rem frësche Wand an eis Gemeng brénge wëllen.

Inhaltsverzeechnes

ADR: Eng kloer Sprooch!
Optimistesch an d'Zukunft
Eise Walprogramm gëtt et och an anere Sproochen!

Säit 1

Alternativen am Sport, bei der Gesondheet, an der Kultur

Säit 2

D'Lëtzebuerger Sprooch a Kultur op déi éischt Plaz!

Behënnerten- a senioregerecht Politik
6 Prioritéiten fir Är Gemeng
Solidaritéit a Gerechtegkeet

Säit 3

Kompetent politesch Gouvernance w.e.g.!

[Mëmbler-Formular](#)

Säit 4

Konkret Hëllef fir Famillje mat Kanner!

En Häerz fir Tourismus!
Fir eng Jugendherberge
Keng Parkplatzsuerge

Säit 5

Flüchtlingen ophuelen, mat Häerz, awer och Verstand

Visiounen fir Clärref

Säit 6

Ëmwelt a Liewensqualitéit sinn eis wichteg!
All Stëmm fir d'ADR Clärref!

Säit 7

Eis Kandidaten fir Är Gemeng

Säit 8



Walprogramm (Lëtzebuergesch)

- https://adr.lu/alternativ_2017_l/

Wahlprogramm (Deutsch)

- https://adr.lu/alternativ_2017_d/

Programme électoral (Français)

- https://adr.lu/alternativ_2017_f/

Election program (English)

- https://adr.lu/alternativ_2017_e/

Programa eleitoral (Português)

- https://adr.lu/alternativ_2017_pt/



Alternativen am Sport, bei der Gesondheet, an der Kultur

D'ADR an der Gemeng setzt sech an am Beräich ...

... Sport:

Am Aklang mat de reelle Bedierfnesser vun de Clibb setzt sech d'ADR voll a ganz fir d'ënnerstëtzung vu lokale Sportsveräiner an. Mir sinn der Meenung, datt een iwwert den Engagement vun de Sportsclubb integrativ d'Kanner- a Jugendbetreuung ënnerstëtze kann. Sportprogrammer sollen sech zudeem un de breede Publikum richten a Bierger aus allen Altersklasse sollen u sportlechen Aktivitéiten deelhuele kënnen. D'ADR an ärer Gemeng wäert

- deene lokale Sportsveräiner finanziell ënnert d'Äerm gräifen an hinnen déi néideg Infrastruktur zur Verfügung stellen
- Sport och am drëtten Alter fërderen

... Gesondheet:

An der Clärrewer Gemeng ass, wat déi medezinesch a medikamentéis Versuergung ugeet, na vill ze maachen. Et ass z.B. sou, datt een zu bestëmmten Zäite bis op Ettelbréck fuere muss, fir eng oppen Apdikt ze fannen.

- Konzepter erschafe, déi d'Versuergung um medezineschen Niveau verbessern
- Déi medezinesch a medikamentéis Versuergung an Noutfäll, nuets an de Weekend méi effikass gestalten a soumat verhënneren, datt de Bierger wäit Weeër muss zrëckleeën, fir medezinesch a medikamentéis kënne versuergt ze ginn



Kulturzentrum Cube 521 zu Maarnech

... Kultur:

D'Förderung vun engem spannenden a faarwege Kulturliewen ass eng vun der Gemeng hiren zentralen Aufgaben. D'ADR an eiser Gemeng wäert:

- lokal Kulturveräiner a Kulturhaiser beim Erschafe vun engem variéierte Kulturprogramm materiell ënnerstëtzen
- ëffentlech «Bicherschief» opstellen
- d' Ofhale vu kulturelle Veranstaltung en an der Gemeng ënnerstëtzen och mat Akzent op lëtzebuerger Kultur
- d'Lëtzebuerger Kultur fleegen an un auslännesch Matbierger vermëttelen fir d'Integratioun ze fërderen

adr-
ALTERNATIV DEMOKRATESCH
REFORMPARTEI

D'Alternativ fir Är Gemeng!

www.adr.lu

**Matschaffen!
Froen?
Ureegungen!**

Hutt Dir Froen oder Ureegungen oder wëllt Dir bei ons aktiv matschaffen, dann zéckt net a rufft un, ënner der Nummer:

+352 26 20 37 06

**Collaborer!
Questions?
Propositions!**

Vous avez des questions ou propositions ou vous voulez vous engager activement dans notre parti? N'hésitez pas et contactez-nous sous le numéro:

+352 26 20 37 06


D'Lëtzebuerger Sprooch a Kultur op déi éischt Plaz!

D'ADR ass déi Partei, déi sech wéi keng aner an ouni Kompromesser fir d'Lëtzebuerger Sprooch setzt. Mir setzen eis dofir an, datt d'Lëtzebuerger Sprooch net nëmmen op nationalem, mee och op kommunalem Niveau zu hirem Recht kënnt.

D'ADR setzt sech dofir an, datt d'Lëtzebuerger Sprooch un éischter Plaz steet:

- an de Gemeindepublikationen
- a Bréiwer, Dokumenter an Informatiounen
- um Internet-Site vun der Gemeng
- an der Äntwert op een op Lëtzebuergesch formuléierte Bréif
- op Stroosseschëlde
- d'Lëtzebuerger Sprooch ass d'Integrationsmëttel Nummer 1

D'ADR huet selbstverständlech kee Problem domat, wann d'Awunner vu Lëtzebuerg och an anere Sproochen informéiert ginn. Allerdéngs hale mir dorop, datt Lëtzebuergesch déi éischt Sprooch ass.



Kommunal Bekanntmachungen zu Maarnach op Franséisch an däitsch

Behënnerten- a senioregerecht Politik

D'UN-Konventioun fir d'Rechter vu Mënsche mat Behënnern gouf 2011 vu Lëtzebuerg ratifizéiert. Och wann hei punktuell scho munches ëmgëssat gouf, sou feelt nach ëmmer villen. Ëmmer nach stoussen déi betraffe Leit op schwierig Situatiounen, déi hinnen et net erlaben, u gesellschaftlechen Ufloss deelzehuelen oder sech fräi an der Gemeng ze beweegen, ouni op äusserlech Aschränkungen ze stoussen.

D'ADR setzt sech dofir an, datt déi gesamt Gemeindefrucht am Laf vun der nächster Legislaturperiod behënnerten- a senioregerecht gemaach gëtt.

Dëst betrëfft esouwuel den Accès wéi och d'Beweegen ënnerhalb:

- administrativen a kulturelle Gebaier
- Gebaier vu Bildungs- a Betreungsstrukturen
- Gebaier vum Gesondheetssystem a vu Flegestrukturen
- Kierchen a Kierfechter
- Fräizäitanlagen
- Sanitär-Anlagen
- Verkéiersstrukturen (z.B.: Stroossen- u. wäggäng, Busarrëten ...)

Duerfir muss en Inventar opgestallt ginn, an deem fir all ëffentlech Infrastruktur an der Gemeng festgehale gëtt, ob si behënnerten- a senioregerecht amenagéiert ass. Am Gemeindegeld muss dann och all Joer e Programm a Kreditter festgehale ginn, fir dës spezifesch Infrastruktur ze verbesseren.

Desweideren wäerte mir och d'Bautereglement esou änneren, datt nei Appartementshaier a Geschäftslokaler direkt no behënnerten- a senioregerechte Kritäre musse gebaut ginn.

D'ADR wäert dofir suergen, datt eng integral behënnerten- a seniorefrëndlech Upassung vun alle Gemeindefruchten net just a Sonndesriede versprach gëtt, mee och an d'Realitéit ëmgëssat gëtt.



Behënnerteparking op der Clärrewer Martplatz

6 Prioritéiten fir Är Gemeng

1. **Bezielbaart Wunnen:** D'ADR huet konkret Solutiounen fir d'Gemeng!
2. **Ëffentlech Sécherheet heescht Sécherheet fir jiddereen:** Eis Gemeng brauche méi Police, eis Bierger brauche Kommissariater, do, wou si wunnen.
3. **Mobilitéit ouni Dirigismus:** D'Gemeng organiséiert de Matenee vun Auto, Foussgänger a Velo. Si mécht net de Choix vum Verkéiersmëttel.
4. **Famillje mat Kanner beschméiglech ënnerstëtzen:** Mir brauchen Uertschaften, wou Kanner sech kënne wuelfillen an entfalten.
5. **D'Lëtzebuerger Sprooch als wichtegst Mëttel zur Integratioun:** Un der Gemeng ass et, eis Sprooch ze verbreedden.
6. **Flüchtlingen ophuelen, mat Häerz awer OCH mat Verstand:** D'Gemeng muss an dëser Fro matschwätzen an d'Decisiounen dierfen net iwwer d'Käpp vun de Bierger ewech geholl ginn.

Solidaritéit a Gerechtegkeet

Solidaritéit a sozial Gerechtegkeet droen zu enger gudder Liewensqualitéit bäi. Fir d'Solidaritéit géigen iwwer deene Matbierger am héijen Alter an deene mat Krankheeten oder Behënnernungen, muss och d'Gemeng mat Verantwortung droen. D'Gemeng soll zesumme mat spezialiséierten Associatiounen an Hëllefsgeldschter dozou bäidroen, datt déi betraffe Leit net aus dem gesellschaftlechen, kulturellen a sportleche Gemeindegelien ausgeschluss ginn.

Fir dëser Verantwortung gerecht ze ginn, suergt d'ADR dofir, datt d'Gemeng

- intergenerationell Projete ausschafft a fërdert
- duerch de Service "lessen op Rieder" weiderhin qualitativ héichwäertegt lessen ubitt
- e flexiblen Transport fir déi Betraffen ubitt, fir um aldeegleche Liewe kënnen deelzehuelen
- d'Bestoe vu Komfort- a Gesondheetsdéngschter an der Gemeng Clärref ënnerstëtzt (Epicerie, Bäckerei, Zeitungsbuttek, Banco mat, Praxis vun Dokter)
- kommunal Gebailechkeete fir esou Déngschter iwwer de Wee vum symbolesche Loy-er zur Verfügung stellt.



Fussgängerzone zu Clärref

Kompetent politesch Gouvernance, w.e.g.!

D'ADR steet fir eng staark Gemengenautonomie: All Themen, déi op kommunalem Niveau behandelt kënnen ginn, sollen och an der Verantwortung vun der Gemeinde bleiwen. Mir setzen eis a fir eng selbstbestëmmt an eegenverantwortlech Gemeng. Fir datt d'Gemegepolitiker an deem Sënn hirer wichteger Aufgab voll a ganz gerecht kënnen ginn, well d'ADR an ärer Gemeng ëmsetzen:

- Eng systematesch Ënnerstëtzung vun de Gemengen- a Schäfferëit duerch Besiche vu Formatiounen a Weiderbildungen

D'ADR an ärer Gemeng setzt sech desweidere fir eng verantwortungsvoll a nohalteg Finanzpolitik an:

- Wann iergend méiglech keng Erhéijung vun den Taxen oder Gemengesteieren
- Mir sinn am Prinzip géint d'Léine vu Suen. D'Léine bleift d'Ausnam an därerf nëmmen dann ugewannt ginn, wann et sech op konkret a sënnavoll Investitiounen bezitt.
- Investitiounen sinn da sënnavoll, wa méiglechst vill Bierger dovun profitéieren (natierlech ouni dobäi déi Léit mat spezielle Bedürfnissen ze vergiessen)

D'ADR mécht sech staark géint Korruptioun a Vernetzwirtschaft op kommunalem Niveau!

D'ADR an ärer Gemeng setzt sech dofir an, datt d'Entwécklungshëllef prioritär eng staatlech, a net eng kommunal Aufgab bleift.

- Wëll d'Gemeng eegen Programmer fir Entwécklungshëllef opstellen, sollen dës mam Staat koordinéiert ginn, fir duebel Aarbecht an Inkohärenzen ze verhënneren

D'ADR an ärer Gemeng setzt sech a fir méi Biergerbedeelegung.

- Bei wichteger kommunale Froen soll de Bierger matschwätzen därerf!
- Et soll an deem Sënn kënnen ee Referendum op kommunalem Niveau ofgehale ginn!



Clärrewer Schloss

----- ausschneiden an un ADR 20, rue de l'Eau L-1449 Lëtzebuerg schécken -----



Gidd Member an der ADR, a frot och Aër Familljemembren a Frënn, fir Member ze ginn.

De Joresbeitrag ass fir eng Persoun 14.-€, fir e Stot 20.-€, a fir Schüler a Studenten 5.-€

Numm & Virnumm:

Adress:

.....

Telefon:

Email:

de pefferkär

Oplag: 2300
Verantwortlech fir dës
Pefferkär
vun der Gemeng Cliärref
ass d'Alternativ Demokratesch
Reformpartei
22, rue de l'Eau
L-1449 Lëtzebuerg

www.adr.lu

Konkret Hëllef fir Famillje mat Kanner!



Crèche zu Reiler

D'Kanner sinn d'Zukunft vun eiser Gesellschaft. Eng optimal Betreierung an Erzéierung, déi och de neie Liewensgewunnechte gerecht gëtt, huet fir d'ADR absolut Prioritéit. D'ADR wëllt den Elteren de Choix loossen, hir Kanner selwer ze erzéien oder qualitativ héichwäerteg Strukturen ze gebrauchen. Wichteg sinn eis dobäi besonnesch och d'Problemer vun elengerzéienden Elteren.

An deem Kontext stellen sech och op kommunalem Niveau eng ganz Rei wichteg Erausforderungen, déi d'ADR bereet ass an eiser Gemeng unzepaken, andeems mir:

- eis asetze fir qualitativ héichwäerteg Crèchen
- en oppenen Dialog féieren tëscht den Elteren, der Gemeng an de Betreierungsstrukturen (Crèchen, Schoulen asw.), fir esou eventuell Defiziter méiglechst séier erkennen a mat Verbesserungen entgéintwierken ze kënnen
- d'Interesse vun de Kanner u kommunale Veräinsstrukture (Sportsveräiner, Museks- an Theaterräiner asw.) fërderen a si fréistméiglech an d'Veräinsliewenabezéien (z.B. duerch Schnupperformatiounen)
- d'Jugend beroden, hinne Fräizäitméiglechkeete bidden an hinnen hëllef, sech op d'Arbecht virzebereeden (mat engem qualitativen Konzept fir Projeten zur berufelcher Orientéierung)
- Aarmut biergerne an onbürokratesch bekämpfen an d'Prozedure fir d'Ufroe vun Hëllef vereinfachen
- e familljefrëndleche Kader schafen, mat Spillplazen, öffentlech Wéckeldëscher asw.

Fir eng Jugendherberge

Clärref huet eng ganz Rei un héichwäertegen Hoteller, déi sech vill Jonker net leeschte kënnen. An deem Sënn ënnerstëtze mir d'Konzept vun enger Jugendherberge, déi de Leiton komplizéiert lwwernuechtungsméiglechkeeten ouni vill Schnick-Schnack bidde soll. Esou gëtt Clärref och eng reizvoll a leeschtbar Destinatioun fir méi Jonk Léit, oder Léit, déi op der Duerchrees sinn.

Et leit mat an der Verantwortung vun der Gemeng, fir méiglechen Interessenten, déi esou eng Auberge bedreiwe wëllen, entgéint ze kommen. Denkbar wär hei rem d'Méiglechkeet vum symbolesche Loyer; och kann d'Gemeng selwer direkt oder indirekt esou Strukturen bedreiwen.



Musekschoul zu Clärref



Vue op den Hotel Koener

En Häerz fir Tourismus

Fir d'Clärrewer Gemenge mat sengem typeschen Ardennercharme spillt den Tourismus eng wichteg Roll. Dofir dréit nieft dem Stat och d'Gemeng an eisen Aen mat Verantwortung an dësem Beräich.

D'ADR wäert:

- regional an interkommunal Vëlospisten a Foussweeër
 - ausbauen an ënnerhalen
 - korrekt an iwwersichtlech beschëlderen
- ëm den Tourismus beméite lokal a regional Syndikater an Tourismusbüroen ënnerstëtzen, fir touristeschen Hebergementer an Aktivitéiten an der Gemeng ze hëllef
- historesch Bausubstanz erhalen

De Camping muss beschtméiglech ënnerhale ginn an touristesch Fräizäitaktivitéite musse gefërdert ginn.



Keng Parkplatzsuerger

D'Parksituatioun an eiser Gemeng ass de Moment allgemeng relativ entspaant, och wann et zu Clärref oftmoos u Parkplaze mangelt, besonnesch wann Manifestatiounen mat ville Léit stattfannen. Och de Garer Parking zu Clärref ass ënnert der Woch grenzwäerteg voll an et muss een oftmoos säi Gefier ausserhalb vum virgeschriwwene Parkraum ofstellen.

D'ADR steet fir de Choix vum Bierger, wat fir eng Fortbewegungsméiglechkeet hien notze well. D'ADR an der Gemeng wäert an deem Sënn dofir suergen, datt Clärref eng autofrëndlech Gemeng bleift. Beim Entstoe vu niem Wunnraum muss och ëmmer d'Méiglechkeet vum Parking résidentiel gi sinn.

Flüchtlingen ophuelen, mat Häerz, awer och Verstand

Bei der Flüchtlingspolitik ass d'ADR fir human Léisungen, ënner Berécksiichtegung vun deene relevanten internationale Konventiounen. Mir sinn net d'accord mat der Flüchtlingspolitik vun der EU a Regierung. Europa kann net jiddereen ophuelen a Lëtzebuerg scho guer net. Dowéinst wëll d'ADR deene Leit Hëllef bidden, déi d'Hëllef wierklech brauchen. D'ADR ass géint e Quotesystem fir d'Migranten op d'Gemengen ze verdeelen. Mir bestinn op de Prinzip vum fräie Wëllen, geknäppt u Konditiounen.

Fir d'Opnam an der Gemeng gëllt:

- net de Stat eleng decidéiert, mee och déi eenzel Gemeng an hir Bierger entscheede mat iwuer d'Opnam vu Flüchtlingen
- hëlt eng Gemeng fräiwëlleg Flüchtlingen op, kréie si Ënnerstëtzung vum Stat
- fir Flüchtlingen opzehuelen, muss d'Gemeng e volontaristeschen Integratiounsplang hunn
- mat der Flüchtlingsopnam duerf et net zu Parallelgesellschaften kommen

Fir d'Wunnengsfro gëllt:

- sogenannte Containerdierfer brauchen den Accord vun der Gemeng
- de Stat soll net just iwuer d'Prozedur vum POS (plan d'occupation des sols) verfueren
- et däerf net zu "Ghettoen" kommen
- et gi kloer Prozedure fir ALL Leit, déi eng Wunneng brauchen a sichen, ouni Privilegierung oder Diskriminierung vun enge oder aneren



Vue op de site vun der geplangter Flüchtlingsstruktur zu Maarnech

Fir d'Integratioun vun deene Flüchtlingen, déi bleiwen däerfen, gëllt:

- d'Gemeng huet eng aktiv Roll am Dialog tëscht de Flüchtlingen an de Bierger a Veräiner
- en Integratiounsplang muss opgestallt ginn, fir d'Leit, déi bleiwen däerfen, Lëtzebuergesch ze léieren a si optimal ze integréieren
- d'Kanner sollen an d'Aktivitéiten vu kommunale Betreiestrukturen agebonne ginn
- Kanner am Grondschoualter, sollen an der kommunaler Grondschoul opgeholl ginn, ënnert der strikter Bedéngung, datt de Schoulministère zousätzlech Ressourcen (besonnesch Personal a Material) dofir bereet stellt

Visiounen fir Cliärref

Firwat na op Cliärref kommen, wann een op sou villen anere Platzen am Éislek wie Wolz oder Elwen eng herrlech oppe Schwämm huet? Firwat na op Cliärref kommen, wann een zu Veianen mam Sessellift bis op d'Schlass fuere kann?

Wann eis Kantonalhauptstad attraktiv a konkurrenzfähig bleiwe wëll, brauch et de néidege Mutt fir sënnavoll Investitiounen an d'Zukunft. D'ADR Cliärref wëll net, dass sech eis Kantonalhauptstad an eng Richtung entwéckelt, datt se just na héichwäerteg Hoteller virzeweisen huet, déi sech just na ee ganz klengen Deel vun de Leit leeschte kënnen. Cliärref muss reizvoll fir jidderee bleiwen; och fir déi méi kleng Portmonnien an och fir Famillje mat Kanner.

Mir sinn der Meenung, datt Cliärref erëm eng Schwämm brauch, am beschten eng oppe Schwämm mat

attraktive Spillméiglechkeete wéi z.B. Waasserrutschen. Denkbar wär och ee Sessellift fir Cliärref. Déi natierlech landschaftlech Gegebenheete maache Cliärref favorabel fir esou ee Projet. Vum schéinen Dall, wou Cliärref leit, bis op d'Koppen erop, z.B. bei d'Abtei, kéint ee mam Sessellift fueren, wou sech uewe weiderhin attraktiv Besichtigungsméiglechkeete bidde sollen.

All dëst si Konzepter, déi eis Gemeng endléich upacke soll. Wann een d'Kritik héiert, datt esou Projeten awer mat groussen Investitiounen verbonne sinn, muss ee bedenken, datt déi deierst Investitioun a Cliärref ass, net a Cliärref ze investéieren. D'Zäit vun de schéine Sonndesrieden ass elo riwwer. D'ADR an eiser Gemeng wäert dofir suergen, datt sënnavoll Investitiounen an d'Zukunft vun eiser Gemeng endlech zur Realitéit ginn.



Cliärref beim Sprangbuer

Ëmwelt a Liewensqualitéit sinn eis wichtig!

Der ADR läit d'Ëmwelt um Häerz. D'Gemeng Cliärref definéiert sech duerch hir landschaftlech Schéinheet. De Schutz vun der Natur, vun der Qualitéit vun de Flëss (Our) a kleng Baache muss allerhéchst Prioritéit genéissen. D'Waasserqualitéit vun der Our huet sech an der Lëscht verschlechtert, d'Ursaachen heivunner müssen detektéiert an effikass bekämpft ginn.

Gemengen kënnen iwwerméisseg Waasser- an Energiekonsum an iwwerméissegem Offall richtig deier maachen. Si kënnen Bauviirschrëfte maachen, fir datt energiebewusst gebaut gëtt. Si kënnen Gréngzonen definéieren a Land vum Wunnensbau verschounen. Si kënnen dem Bierger hëllefen, säin Dreck ze triéieren a richtig ze entsueren.

Eng Gemeng muss awer ëmmer am Déngscht vum Bierger schaffen. Si ass do fir dem Bierger ze hëllefen an net, fir hien ze schikanéieren.

Si ass och net do, fir hien ze erzéien. De Bierger soll ëmmer de Choix hunn!

“Intelligent Compteuken” hëllefen dem Bierger, fir säi Stromverbrauch ze verstoen. D'Gemeng an de Stat hunn awer kee Recht, op Grond vun dësen Donnéeen dem Bierger seng Gewunnechten auszespionéieren.

Gemeengegebaier sinn ideal fir effikass Solaranlagen opzestellen: All Bierger ka sech finanziell dodru bedeelegen an dovun profitéieren. Och Kogeneratiounsanlagen maache Sënn. Duerfir wäert d'ADR an der Gemeng dës Regeln duerchsetzen:

- Gemengeservicer op iwwerméisseg Ressourcekonsum (Verbëtzten duerch schlecht Waasserleitungen...) an ëmweltschounend Praktiken präifen (Botz a Planzeschutzmëttel, Käercher, Blos-a-Suckelapparater fir d'Strooss propper ze halen...).
- D'Waasserqualitéit vun der Our an de kleng Baache regelméisseg kontrolléieren a Konzepter erschafen, fir hir Qualitéit rem ganz hierzestellen




Maarneh Richtung Wëschbuer

- Ëmwelt- an Energienormen dierfen dem Bierger keng Nodeeler bréngen oder de Choix huelen
- 30 Fudder Waasser gratis op de Kapp an duerno eng progressiv gestaffelt Tax
- Wann eng Gemeng net laanscht d'Erweiterung vum Bauparimeter kënnt, muss dat esou ëmweltschounend wéi méiglech (keng wäertvoll Gréngzonen) an am Respekt vum Uertscharakter geschéien
- De Bierger hire Wësch (Sondage) bei der Wunndensitéit (Haiser fir méi Familljen) an Awunnerzuel soll no Informationsversammlungen bei der Gemeindeplanung Rechnung gedroe ginn

All Stëmm fir d'ADR Cliärref!

Fir d'ADR Cliärref sou gutt wéi méiglech ze ënnerstëzen, gitt eise 6 Kandidaten 11 Stëmmen a maacht net de Rondel schwaarz, well mir soss 5 Stëmmen verléieren! All Stëmm zielt!



Typesch Ardenner-Landschaft an eiser Gemeng



Lemaire Michel
28 Joer, Maarnech
Attaché parlementaire



Dr. iur. Xhonneux Detlef
50 Joer, Reiler
Jurist a Steierberoder



Fank André
71 Joer, Fëschbech
Rentner



Strassener Gustavo
59 Joer, Eselbuer
Employé



Scholtes Mike
45 Joer, Hengescht
Sécherheetsbeamten



O'Brien Silvia
64 Joer, Eselbuer
Hausfra